

27451/P  
DISSERTATIO  
INAUGURALIS,  
DE  
ANASARCA.

QUAM,  
ANNUENTE SUMMO NUMINE,  
Ex Auctoritate Reverendi admodum Viri,  
GULIELMI ROBERTSON, SS.T.P.  
ACADEMIÆ EDINBURGENÆ PRÆFECTI;

NEC NON  
Amplissimi SENATUS ACADEMICI consensu,  
Et nobilissimæ FACULTATIS MEDICÆ decreto;  
PRO GRADU DOCTORATUS,  
SUMMISQUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subjicit  
GULIELMUS HAMILTON,  
BRITANNUS.

Prid. Id. Junii, hora locoque solitis.

EDINBURGI:  
Apud BALFOUR et SMELLIE,  
Academiae Typographos.

---

M, DCC, LXXIII.

Chas. Hamilton



C A R O L O  
D O M I N O D E C A T H C A R T,

&c. &c. &c.

Genere nobili,

Virtute nobiliori;

Nec non

J O A N N I M D O W A L L D E L O G A N,

A R M I G E R O,

Avunculo praestantissimo;

Denique,

C A R O L O H A M I L T O N D E L A D Y L A N D,

A R M I G E R O,

Patri optimo carissimoque:

Summa cum observantia,

Animoque gratissimo,

Hancce dissertationem

Sacram voluit

G U L I E L M U S H A M I L T O N.



Digitized by the Internet Archive  
in 2018 with funding from  
Wellcome Library

<https://archive.org/details/b30383821>

# DISSERTATIO MEDICA

## INAUGURALIS,

DE

## ANASARCA.

**O**MNIA corporis animalis cava humore aquoso madescunt, qui, five sub vaporis, five sub guttularum specie, perpetuo in ea exsudatur. Inde imbutae partes facilius inter se moventur, nec continua frictione laeduntur.

Cum hic humor ex quavis causa in cavis ita congeritur, ut tumorem cum molestiae sensu adferat, oritur morbus quem Graeci ὕδρωπα appellarunt, quique apud nos plerumque definitur, “Congeries fluidi aquosi, major quam natura postulat, in quibusvis corporis cavitatibus facta.”

A

Cum



Cum intra faccum vel cavum clausum fit congeries, morbus vulgo Saccatus dicitur; sed aliis quoque notatur nominibus, scil. ex cavo affecto desumptis.

Si vero sub tegumentis fit, Diffusus appellatur, propterea quod humor, non una contentus sede, ad libitum undique pererrat. Haec autem est hydropis species, de qua, sub Anasarcae nomine, hic differere sum conaturus.

### SYNONIMA.

*Anasarca*, sic dicta quoniam aqua per carnem ubique circumfertur.

*Leucophlegmatia*, ex pallore qui cuti inducitur, &c. &c.

### CHARACTER.

Corporis intumescencia mollis, inelastica, vel premente digito foveolam admittens.

Quo

Quo melius pateat hujus morbi natura, primo loco disquirenda videtur sedes morbi.

## S E D E S M O R B I.

Ex ipsa definitione constat, aquam alicubi sub tegumentis accumulari. Vix accumulari potest intra musculorum corpus, quippe quorum vel minima actio eam inde exprimeret; nec in aponeurosibus musculorum, quarum ea est duritia ut nihil alienum facile admittant. Unica quam fere possit habere sedes est ea tela quae ubique per musculos, nervos, vasa sanguifera, &c. insinuatur; et per quam omnes corporis partes, exceptis capsulis clausis, ac quibusdam aliis cavis, plus minus, pro ipsius copia, inter se nectuntur. Haec est membrana illa cellularis, cujus maximam copiam proxime sub cute invenimus, quamque natura nobis dedisse videtur ad continendum adipem, quo rite emollita cutis, et reliqua organa muneribus fungendis semper idonea essent.

Constat

Constat haec membrana ex lamellis tenuissimis pellucidis, ita inter se junctis, ut speciem prae se ferant cellularum irregularium sibi invicem aditum praebentium. Hinc fit, ut quivis aquosus humor effusus ad partes inferiores deferatur; nisi cum arctior et stric-  
tior fuerit tela, quam ut aquam perfluere sinat. Et hoc nonnunquam videre licet; non enim pariter ubique abundat, nec eandem semper figuram retinet: Ex qua re originem duxerunt complures anasarcae species; de quibus postea.

Hanc autem telam esse anasarcae sedem hinc certissimo colligimus, quod chirurgi, incisione facta per cutem multorum hoc morbo laborantium, penetrant usque ad membranam cellularem, unde satis magnam aquae copiam saepe brevissimo tempore exhauriunt.

A N A-



ANASARCÆ UNIVERSALIS  
DESCRIPTIO.

Cum anasarca ex causis generalibus oritur, initium sumit a tumore pedum ac malleolorum sub vesperum; praesertim si aeger diu steterit, vel multum ambulaverit, vel pedibus pendentibus federit. Si vero lecto prostratus per noctem recubuit, hic tumor ante lucem vel omnino evanescit, vel saltem minor fit; atque tunc facies partesque superiores intumescere videntur. Sub diei exitu tumor iterum, relicta facie, si aeger lecto non fuerit affixus, pedibus malleolisque redditur. A pedibus ad genua, femora, coxas, &c. progressus, tandem toti corpori obducitur; partibus inferioribus majorem semper retinentibus tumorem quam superioribus: Aqua enim pressa gravitate sua ima petit, adimplens cellulas cutemque, quarum vis ac tonus magis magisque indies minuitur.

Tandem

Tandem ita distrahitur cutis, ut per poros ejus cuticulaeque aqua interdum viam sibi quaerat. Si vero impervia sit cuticula, a cute divellitur, atque in vesiculas allevatur, quibus subito disruptis, multum aquae a cute profluit, superveniente saepius gangraena. Interdum etiam disrumpitur cutis ipsa, quod idem sequitur effectus.

Aliquando occurrant maculae purpureae et fugillationes cutis. Vis sentiens adeo exilis evadit, ut aegri inconscii cutis aduri possit. Calor a cute ita recessit, ut aëris circumambientis calorem, ne adhibito quidem thermometro, exsuperare videatur. Tanta denique inducta est debilitas, ut propria mole degravatus aeger vix corpus levare artusve movere possit.

Cum haecenus processit anasarca, membrana cellularis, quae viscera ambit, tantam vim morbi omnino repellere nequit; unde varia symptomata, ut anxietas, anhelatio, &c. &c.

Hic est naturalis hujus morbi progressus, cum ex causis generalibus ortus gradatim adaugetur.

adaugetur. Sed has leges non semper sequitur: Occurrerunt enim quorundam exempla, quos vel unius noctis spatio totis viribus invasit. Haud abs re erit unum ex Sauvagesio in medium protulisse.

‘ Tertia morbi die rusticum invisebam qui  
‘ obfidebatur tumore molli per totum corpus  
‘ diffuso; referebat ille se post messem factam  
‘ fanum recubuisse; mane vero sequenti  
‘ surgere non potuisse propter corporis intumescen-  
‘ tiam \*.’

### ANASARCA TOPICA SIVE PARTIALIS.

Relicta anasarca universali, videamus qualis sit topica sive partialis. Nam, etsi ea est membranae cellularis structura, ut humori undique vagari plerumque liceat; interdum tamen aliter rem evenire videmus. Si enim minor effundatur aquae copia, quam ut totum corpus obruere possit, partem aliquam  
vel

\* Sauvages Nosol. Methodic. tom. 2. pag. 472.



vel membrum occupabit : Vel, si paulo stric-  
tior fit tela cellularis, ut aquam transire ve-  
tet, eam intra fines cohiberi necesse est. Ta-  
lia hujus morbi phaenomena, quatenus ab  
anasarca generali discrepant, ejusdem species  
vel varietates denotare videntur.

I. PHLEGMATIA Clarissimi Sauvages,  
quae harum specierum praecipua et longe  
frequentissima est, ab anasarca generali haud  
aliter distinguenda videtur, quam quod in  
artubus inferioribus locum sibi posuerit. Ne-  
que quidem quisquam temere ignorat, ana-  
sarcam a phlegmatia fere semper initium su-  
mere, nisi cum inusitata saevitia furens in  
totum corpus subito irruit.

II. HYDROCEPHALUS EXTERNUS. Hanc  
speciem exhibet anasarca, cum aquae libera  
descendendi facultas non datur, propter exi-  
litem telae cellularis, ideoque arctiorem  
cutis cum aurium musculis nexum.

III. HYDROCELE EXTERNA, quae ana-  
sarcam generalem et asciten saepissime co-  
mitatur. Scrotum, cujus structura laxa cel-  
lulisque referta est, in miram quandoque cref-  
cit



cit molem ; et propter pendentem situm, humor, nisi materies aliunde detur, haud latius divagari solet.

IV. ANGINA AQUOSA BOERHAAVII quoque inter anasarcae species merito recensetur.

Aliae sunt denique corporis partes hujusmodi tumoribus obnoxiae, ut manus, brachia, &c. &c.

## DE CAUSIS ANASARCÆ.

Duo sunt vasorum genera quibus innititur humoris in corpore nostro circulatio ; majorum scil. et minorum. Majora sanguinem rubrum a corde ad extrema deferunt ; iterumque reflexa in cor retroducunt. Minora, quae a majoribus oriuntur, et quae adeo parva sunt, ut globulos rubros admittere nolit, a reliquo sanguine tenuiorem aliquam sive ferosiorem partem fecernunt, quae, sic jubente natura, vel omnino ex corpore per cutem, pulmones, &c. ejicitur ; vel in ca-

B

va,

va, five sub vaporis five sub guttularum specie, exsudatur. Haec ex suo munere *exhalantium* nomen acceperunt.

Ope liquoris ita exsudati, non solum omnes corporis partes rite humefactae nullum capiunt detrimentum a frictione, &c. verum insuper eam tensionem retinent vasa quae sanitati necessaria est.

Ne hic liquor in cumulum crescat, neve stagnando corpori noceat, natura aliud vasculorum genus corpori tribuit, quibus illum excipere atque in circulationem reducere mandavit. Horum extremis osculis in cava patentibus *absorbentium* nomen est datum.

Initio haec adeo sunt exigua, ut aciem oculorum fugiant. Verum paulatim aucta tandem vasculorum formam exhibent; quae *lymphatica valvularia* anatomicis appellare placuit. A partibus extremis, ut saepe conspici licet, adversus cor venientia, liquorem suum in ductum thoracicum et subclavianam venam sinistram infundunt.

Quamdiu

Quamdiu haec duo vaforum genera, aequatis ubique viribus, rem sibi mandatam gerunt, omnia cava accipiunt quantum humoris natura postulat, nec nimia copia laborant. Si vero quacunque ratione absorbentia exhalantibus cedant, adeo ut plus effundatur quam excipi possit, humorem in cumulum venire necesse est; Quod his tribus modis evenire potest:

1mo, Aucta exhalatione, non diminuta absorptione;

2do, Diminuta absorptione, aucta, vel non aucta, exhalatione;

3tio, Lymphaticorum ruptura.

Omnes hae causae satis idoneae videntur, quae anasarcam efficiant. Quantum vero singulae revera valeant, et unde originem ducant, nunc ut disquiramus ordo postulat.

AUCTA



## AUCTA EXHALATIO.

In quantum augeri possit exhalatio, non interea diminuta absorptione, nequaquam dicere velim. Forsitan aqua copiosius effusa adversus venarum absorbentium oscula propellitur, eorumque actionem impedit. Sed de hac re, utpote parum nota, nihil affirmare auserim.

Auctae exhalationis plurimae occurrunt causae, quarum praecipuas hic recensere licet.

I. Quicquid venosi sanguinis in cor regressum impedit; qualia sunt,

1. Tumores diversi generis venis incumbentes, easve comprimentes; ut schirrus, vel alii glandularum tumores; steatoma; in foeminis graviditas, vel compressio;

2. Fluidorum in cavo congeriem idem sequitur effectus; ut in ascite, hydrothorace, &c.;

Eadem



Eadem itaque, quae horum causa est, potest et remota anasarcae causa recenferi.

3. Sanguini redeunti quoque obstat positio corporis in multis, praesertim morbo et evacuationibus debilitatis. Atque enimvero perpauci sunt, quibus non hujusmodi aliquid in sese perspicere licet. Neque enim tempore matutino eadem est crassitudo crurum, quae vespere fuerat, praesertim circa malleolos; quod unde, nisi ex effusione?

4. Plethora venosa orta ex obstructo fluxu menstruo; obstructis haemorrhoidibus; obstructis evacuationibus serosis; e. g. lactis, fluoris albi, &c.

Alia autem est causarum classis cui haec fortasse potius sunt referenda; scil. cachexia et solidorum relaxatio, cum consequenti fluidorum tenuitate; scabies suppressa.

Ratio exhalationis auctae ab impedimento sanguinis redeuntis petenda est ex systemate circulatorio.

Creditur arterias undique vasa exhalantia a se dimittere, et arterias ipsas tandem in venas transire. Si quid igitur iter per  
venas

venas occludat, arteriis continuo fluentibus, arterias minores dilatari oportet: Unde major fit impetus in exhalantia, quae idcirco majorem solito copiam effundunt. Manente autem causa, manet et effectus.

## II. Impedimentum in excretoriis.

Neque vero hinc saepe augetur exhalatio, nisi cum excretoria aliquo modo cum exhalantibus nectantur. In plurimis corporis partibus creditur arterias in venas, exhalantia ductusque excretorios transire. Si quid igitur ductibus excretoriis obstat, exhalantia latius distendi necesse est: Quod fortasse fit in angina aquosa et hydroglossa.

III. Si ex quavis causa augetur arteriarum impetus, venis interea repugnantibus, humor, aliter transire vetitus, viam sibi per exhalantia quaeret. Hoc venit praecipue ab externis injuriis, ut torsionibus et contusionibus; quae quidem nonnunquam referri fortasse debent tertiae causarum classis, nempe, lymphaticorum rupturae.

## IV. Exhalantium relaxatio.

Num haec revera effusionem unquam induxerit, non comprobare possumus. Si exhalantibus vim muscularem concedimus, datur exinde aliqualis explicatio anasarcae, quae in paralyticis alicujus membri partisve affectionibus occurrit; scil. paralyfi ad arterias et ipsa exhalantia pertingente. Sed hoc, quoniam nullis certis argumentis nititur, in medio relinquere tutius est: Praesertim cum hujusmodi anasarcae aliunde offertur causa; nempe, ex debilitate, quae arterias sanguinem propellere, venasque reportare, prohibet. Quare sanguis, ipsius pondere moleque depressus, in exhalantia majori impetu ruit.

Anasarca, quae generalem comitatur paralyfin, plane referenda est ad debilitatem, et solidorum atoniam, cum fluidorum tenuitate.

V. Nimia humoris aquosi proportio interdum exhalationem augebit, iisdem etiam manentibus vasorum diametris; idque his quatuor modis:

## I. Nimia



1. Nimia aquae copia in sanguinem admiffa.

Quanta celeritate hic humor effluere poffit, clare oftendit experimentum doctiffimi Hales, qui per fyringa certam aquae quantitatem in canis jugulares venas iniecit, qui, poft fpatium circiter unius horae, hydropicus eft factus. Hinc ex infolita aquae fanguini adjectae copia oriturum hydropa colligimus.

Neque tamen idem neceffario fequitur, fi per ftomachum admiffa fuerit aqua, nifi impedimentum aliquod dederit ~~ftomachus~~ cutis, vel vafa urinaria; aut nifi quis diu affuetus fuerit tenui aquofo victui, qui parum nutrimenti praebet.

2. Humoris aquei retentione.

Nemo eft qui nescit longe maximam alimenti noftri partem rurfus e corpore per vafa excretoria ejici. Ad hunc finem pulmones cutisque imprimis prodeffe videntur. Si horum excretio ex quavis caufa ceffat vel minor fit, humor ultra quam fas eft cito colligetur; qui, nifi pariter aucta fuerit evacuationio,



evacuatio per vasa urinaria et viscera, per ipsa exhalantia, effugere conabitur.

Huic excretioni obstat frigus, quale in exemplo tradito supra \*; frigus post adhibitum mercurium; relaxatio et debilitas a paralyfi generali inducta, unde multum minuitur perspiratio.

3. Fluidorum densiorum, praesertim sanguinis, abstractione; ut in haemorrhagiis et venaesectione. Hinc anasarca saepe sequitur menorrhagiam et haemoptysin, vel copiosas per venaesectionem evacuationes in morbis inflammantibus, praecipue pleuritide et peripneumonia.

Nimia lymphae coagulabilis, aequae ac globulorum rubrorum, abstractio eundem edit effectum. Hinc ulcerationes profusas, fluorem album, diarrhoeam, et dysenteriam, si diu perstiterint, anasarcam generare vidimus.

Cujus rei hanc explicationem proponimus.

C

Si

\* Pag. 7.

Si animo concipiamus corpus humanum sub imagine machinae hydraulicae multis trajectae foraminibus, per quae diffuunt humores diversae densitatis ac tenacitatis; si porro talia ponamus haec foramina, ut tenuiores facile, densiores vero aegre admittere velint; difficile est intellectu qua ratione partes tenuiores omnino effugere prohibeantur. Retineri videntur a commixtione cum densioribus et tenacioribus, quae eas adeo implicant, ut evadendi facultas non concedatur. Si autem hujus retinaculi, scil. sanguinis rubri lymphaeque coagulabilis, pars quacvis abstrahatur, nihil obstat quominus et tenuiorum pars aliqua extra circulationem evagetur.

4. Fluidorum densiorum dispendio, ex causis internis orto; e. g. ex diuturno morbo, praesertim typho, feбри intermittente, &c.

Observatione quotidiana compertum est, sanguinis rubri quantitatem interdum majorem, interdum et minorem fieri, nulla praecedente, quantum novimus, evacuatione  
praeter

praeter solitum. Hinc inferre licet, naturam nobis vim indidisse sanguinis tum augendi tum minuendi, prout res postulat. Res itaque eodem fere recurrit quo in sect. ult. nempe, in fluidi densioris abstractionem. Debilitas, in utroque casu inducta, organorum assimilantium tono, et universo solidorum systemati, nocet: Unde sanguis circulans majore quam solita feri proportionem attenuatur.

Enumeratis compluribus anasarcae causis ab aucta exhalatione ductis, nunc disquirendum quales a secunda causarum classe veniant, scil. a diminuta absorptione.

### DIMINUTA ABSORPTIO.

In quantum diminuatur absorptio, non simul aucta exhalatione, non nostrum est dijudicare. Verisimile autem est, cum anasarca viribus incitatis ingruit, tum augeri exhalationem, tum minui absorptionem.

Causarum



Causarum hunc morbum a diminuta absorptione gignentium duo constitui possunt genera.

I. Obstructio vasorum lymphaticorum orta a tumoribus ea comprimantibus; a struma, &c. glandulas lymphaticas obturante.

Si lymphaticorum ex quacunque causa occludatur iter, exhalantibus interea propriam quantitatem continuo effundentibus, fluidum in cumulum venire necesse est. Hoc vero rarius accidere potest, nisi fuerit lymphaticorum majorum vel glandularum obstructio perquam generalis. Natura enim, salutis nostrae prospiciens, ab hoc malo nos munivit, frequentes instituendo lymphaticorum anastomoses, quae plerumque divisionem rursus patiuntur, priusquam in glandulas ingrediantur.

II. Absorbentium inertia et debilitas,  
Ut ex paralyfi.

Si contractione et relaxatione alterna munus suum exsequantur absorbentia, anasarca,



ca, quae membrum paralyfi affectum invadit, partim a diminuta absorptione venire potest. Sed de hac re in tenebris versamur; nec ex tam incertis principiis ullum curationis indicium inferre debemus. Postremo, hic morbus rarius oriri videtur ex absorptione diminuta; rarissime autem omnium ex proxima, quam instituimus, causarum classe, nempe, lymphaticorum ruptura.

### LYMPHATICORUM RUPTURA,

Quam unquam anasarcae causam per se extitisse vix affirmare ausim. Occurrerunt equidem nonnulla lactealium rupturae exempla, unde inferre licet hydropa ex hac causa oriri posse. Neque vero absimile videtur, anasarcam, quae contusiones aliasque injurias externas sequitur, interdum a lymphaticorum minorum ruptura originem ducere. Sed hoc nullibi probatum vidimus.

P R O G-

## P R O G N O S I S.

Prognosis in anasarca plerumque benignior est, quam cum aqua in sacco vel cavo clauso congeritur:

Imo, Quod causa raro est adeo recondita, ut eo pervenire nequeant medicamina; nisi cum alicui diversi generis hydropi adjuncta fuerit; et tum benigna vel maligna erit prognosis, secundum qualitatem causae morbum generantis.

2do, Quod sedes morbi nostrae potestati subjicitur, magis quam sit in omnibus fere reliquis hydropis generibus; ideoque medicamenta propius parti affectae admoveri possunt.

3tio, Quod aqua superficiei late patenti obducta facilius absorptione exhauritur, quam quae in cavo aliquo majori congeritur.

## MEDENDI METHODUS.

Cum animadvertimus quam variae sint anasarcae causae, quamque sibi invicem repugnantes, manifestum est, vel primo adspectu, sanationis indicata pariter oportere esse varia; nec ullum medicamentum, quod haecenus est inventum, vel in posterum fere unquam invenietur, ad hunc morbum in universum auferendum per se sufficere. Nam, ut causas a diminuta absorptione et lymphaticorum ruptura oriundas praeteream; quotuplices ab aucta exhalatione sola veniunt? Quam variae, ideoque varias medendi rationes postulantes? Interdum morbus innititur venarum obstructioni; interdum solidorum laxitati cum sanguinis tenuitate.

1. Si a schirro vel alio quovis tumorum genere venis incumbentium pendet morbus, ut probe instituatur cura, hi sunt tollendi.

Idem est faciendum, cum talis occurrit fluidorum congestio qualis in ascite. Quum  
primum



primum enim educitur aqua, oedema plerumque cedit.

2. Cum anasarca venit a plethora venosa, minuatur moles sanguinis, vel partem aliquam ex venis eliciendo, vel evacuationes suppressas restituendo, unde orta est plethora.

3. Cum ab inflammatione, vel calculis concretis vasorum excernentium iter occludentibus, dimoveatur obstaculum, quodcunque fuerit, remediis ei rite adaptatis.

4. Cum ab aucto arteriarum impetu, ut in torsionibus et contusionibus, obviam itur morbo hunc impetum intra fines coercendo, et linimenta emollientia parti affectae affricando.

5. Exhalantium relaxatio causa est adeo incerta, ut nullam certam medendi rationem indicet. Quod autem attinet ad anasarcam in paralyticis affectionibus occurrentem, cura primum morbum praecipue spectare debet.

Has anasarcae causas, utpote interdum occurrentes, et medelam singulis accommodatam,

datam postulantes, attigi tantum, quoniam omnino praetereundae non videbantur. Restat alius hujus morbi fons omnium longe uberrimus, nempe, solidorum atonia cum fluidorum tenuitate, orta ex causis supra Auct. Exhal. V. 1. 2. 3.<sup>a</sup> memoratis. Hujusmodi anasarca praecipue indicat,

1mo, Ut restituatur solidorum tonus.

2do, Ut evacuentur aquae.

Si priori harum indicationum operam rite impenderimus, certius ac facilius alterius scopum attingemus: Quippe sola tonicorum ope saepe effecta est sanatio. Forte tamen omnium laetissimus dabitur eventus, si utramque rem simul assequi conemur.

Ad restituendum systematis tonum et crassum sanguinis imprimis valent;

I. EXERCITIUM, qualis vectio in rheda, equitatio, ambulatio. Sedulo tamen cavendum ne haec, ultra quam bene ferre possit aegrotus, adhibeantur. Eorum enim nimius usus nullum adferet emolumentum; sed, e contrario, quam plurimum nocebit;

D

debiliorem

debiliorem reddet aegrotum, dum tamen novas morbo vires ministrabit. Si itaque tanta sit debilitas, ut hujusmodi exercitia non admittat, substituatur frictio; cui usui optime inservit pannus e lana confectus.

Exercitatione promovetur digestio; auge-  
tur sanguinis momentum; adjuvatur deni-  
que excretio, praesertim ea quae per cutem  
et pulmones perficitur. Aliae quidem sunt  
excretionis augendae rationes, quas postea  
memorabimus.

II. VICTUS.—Victus pro maxima parte  
boni debet esse nutrimenti. Anteponatur  
vero, quantum concedi potest, quod aegro-  
ti stomacho est gratissimum. Panis bene  
fermentatus, carnes boni succi, carniūque  
coctarum jus, plerumque in primis huic  
morbo conveniunt.

Talis fit potus, qui roboret et urinam  
simul promoveat. Vinum generosum, spi-  
ritus ardentes, aromaticis imbuti, aqua per-  
mixta: Neque haec tam parce sunt permit-  
tenda, ut aeger perpetua siti doleat.

III.



III. TONICA, quae cum remediis jam memoratis saepissime profunt. Optima sunt cortex Peruv. et chalybs.

## SECUNDA INDICATIO.

Secundae indicationis est, ut educantur aquae.

Remediorum ad hunc finem spectantium duo constitui possunt genera, nempe,

I. Topica, sive quae parti alicui externae adhibentur.

II. Remedia vasorum excernentium vim stimulantia et augmentia.

I. Topicorum itidem duo genera, nempe epispastica et incisiones.

Rarius laudatur horum usus, praesertim epispasticorum, ex metu gangraenae; quae quidem haud pariter est metuenda ab incisionibus, quamvis has quoque interdum sequitur. Neque tamen idcirco penitus rejiciendum eorum si quid auxilium. Cum enim adeo processit anasarca, ut cuticula in vesiculas

vesiculas erigatur; hae, si disrumpantur, haud minus afferunt gangraenae periculum, quam si adhibita fuissent epispastica; si vero disrumpatur cutis ipsa, multo majus periculum, quam si facta fuisset incisio.

Cum totum corpus anasarca obtegitur, praestat incisionem instituere propius ad partes superiores, deinde ad inferiores paulatim descendere, prout evacuantur aquae. Hinc levius gangraenae periculum; et insuper moderatius educuntur aquae, quarum nimis subitus effluxus interdum aegrorum vires exsuperat mortemque accelerat. Quare teneat pars, quae incisionem passa est, situm quem horizontalem dicimus; et, dummodo res postulat, adhibeatur fascia et emplastrum; denique illinantur incisionis orae unguento.

## II. Remedia excretionem excitantia.

Secunda indicatio praeterea monet excretionem augendam, perspiratione, urina, &c. atque ita humorem ab exhalantibus averendum.

dum. Cui ufui inferviunt fequentia, nempe,

I. E M E T I C A.

II. S U D O R I F I C A.

III. D I U R E T I C A.

IV. C A T H A R T I C A.

I. E M E T I C A.

Quum fpontaneo vomitu interdum effecta eft fanatio, cujus rei exemplum recitat Celeberrimus nofter Cullenus; hinc fuggeritur emeticorum ufus. Idem tamen effectus, qui vomitum fpontaneum fequitur, ab artificiali haud exfpectandus eft; quamvis hic quoque nonnunquam hydropicis profuit.

Vomitum, fere magis quam aliis quibufvis remediis, exitatur vis abforbentium; atque ita in circulationem revocatur vagus humor, licito deinde exciturus itinere, fcil. per cutem, urinaria, &c. Et, fi locus fufpican-  
di detur, mediaftinum vel mefenterium mor-  
bo



bo tentari, haud parum valebit vomendi actio ad aquam inde, si qua congeritur, expellendam.

Rarius tamen emeticorum ope in portum optatum pervenire conceditur: Plerisque enim aegrotis defunt vires, quibus eorum impetum sustinere possint.

## II. SUDORIFICA.

Indicantur sudorifica utpote ferocem evacuationem, omnium fere copiosissimam, excitantia. Quum tamen res sit in primis difficillima sudorem in anasarca elicere, et quum idcirco sudorifica sunt admodum incerti eventus, rarius huc recurrere solent medici. Si vero hujusmodi quid tentare cuiquam placeat, caeteris anteferenda videntur Laconicum vel Doveri pulvis.

Quamvis fere nunquam adhibeantur sudorifica, haudquaquam negligendus est calidus vestitus, utpote perspirationi augendae in primis utilis.

## III.

## III. DIURETICA.

Haec sudorificis usu anteponunt medici. Vix tamen ulla novimus, quorum omnino certa operatio. Notissima sunt colchicum, scillae, allium, sales alkalini fixi.

(A) COLCHICUM.—Hoc medicamentum summis laudibus effert Storkius; de cujus tamen utilitate admodum disceptant medici. Saepe quidem parum prodest; veruntamen, si probe menini, in Nosocomio Edinenfi nonnunquam satis feliciter adhibitum vidi.

(B) SCIILLA.—Hae, si emeticae virtutis oblatae diuretice operentur, optimos edunt effectus. Debet autem dari parva dosi saepius repetita.

(C) ALLIUM.—Rarior hujus usus. Si quid prodesse velis, detur haud parca dosi solidis nucleis.

(D) SALES ALKALINI.—His parum fides habenda, quippe quorum omnino incerta operatio. Saepe nauseam adferunt;  
nec

nec semper exhibent vim diureticam; forte si cum acido in stomacho congregiantur.

#### IV. CATHARTICA.

Olim laudabantur cathartica quaedam hydragoga dicta, quibus nescio quam vim aquae attrahendae inesse credebatur. Inter haec principem habebant locum elaterium et gambogia; quae hodie propter acrimoniam rarius tentare audent medici. Pro his adhibentur cathartica fortiora, jalapa, mercurius, antimonium: Et ruper pari fortuna admissa sunt mitiora, quorum optima videntur chrysalii tartari et tartarus regeneratus.

In Nosocomio Edineni cum summa felicitate dari solent chrysalii satis magnis dosibus, nonnunquam ad tres uncias quatuor viginti horis.

Chrysalii vi tum cathartica tum diuretica gaudent; et, Fothergill testante, tartarus regeneratus eosdem edit effectus.

Medi-



Medicamina, quae haëtenus laudavi, faepe nec infeliciter adhibentur conjuncta haec cum illis, fcil. fudorifica cum cathartidis, vel cathartica cum emeticis.

Aliquando etiam datus eſt mercurius, tum purgandi tum falivationis excitandae cauſa.

Cum anafarca venit a cauſis V.—2. memoratis ; ſi modo adhibeatur tempeſtiva cura, opus erit fere nihil aliud, quam ut ſe calidum fervet aeger, et ſumat paucas chryſtalli tartari doſes. Si vero obtineat cutis ſtriatura cum celeri pulſu, ut interdum fit, mittendus ſanguis et adhibenda fomenta, praefertim ſi aeger fit plethoricus.

De reliquis cauſis adeo parum conſtat, ut nulla medendi ratio exinde inferri poſſit.

F I N I S.

